

左龔外集

十九

五十九

左龔外集目錄

卷十九

清故四川候補知縣趙君墓表 一頁

清故四川候補知縣方君墓表 一頁

清故湖北候補知縣徐君墓表 一頁

清故甘肅直隸州知州許君墓表 一頁

處士田君墓表 一頁

清故內閣中書韓君闕銘 一頁

清故三等侍衛楊君闕銘 一頁

清故四川參將沈君闕銘 二頁

清故署茂州知州毛君闕銘 一頁

清故四川直隸州知州姜君闕銘 一頁

清故象州知州韓君闕銘 一頁

清故四川候補知縣程君闕銘 一頁

鄧繩侯先生闕銘 一頁

故民李君闕銘 一頁

清故舉人洪君闕銘 一頁

清故陝西候補直隸州知州吳君碑頌 二頁

清故東鄉縣知縣陳君碑頌 二頁

清故四川直隸州知州甘君碑頌 一頁

清故刑部尙書史公墓碑 (下佚) 一頁

清故山東候補道高君墓碑 一頁

清故四川即補道蘇君墓碑 二頁

劉節婦楊氏墓碑 一頁

故民吳駿卿義行碑 一頁

屈君別碑 一頁

陳君式仁別碑 二頁

鄭大雍墓碣 一頁

孝子衛洪基碑 一頁

鍾太夫人程氏神誥 一頁

清三等輕車都尉楊君墓誌銘 三頁

清故陝西候補知縣邵君墓誌銘 一頁

清故武進縣學教諭何先生墓誌銘 二頁

王孺人墓誌銘 一頁

前四川提督丁公墓誌銘 二頁

陳恭人墓誌銘 一頁

山西候補知縣婁君墓誌銘 一頁

徐孺人墓誌銘 一頁

前四川彭山縣知縣康君墓誌銘 三頁

舒兆熊妻夏孺人墓誌銘 一頁

隱士秦君墓誌銘 一頁

舒文波妻王孺人墓誌銘 一頁

女頰壙銘 一頁

李氏女壙銘 一頁

故山西知縣汪徵典神祠銘 一頁

故雲南試用巡檢方寅亮神祠銘 一頁

清故龍安府知府伊君功德頌 一頁

清寧遠府知府魏君功德頌 二頁

清故馬邊廳同知尹君去思碑 一頁

成都丁公祠碑 一頁

成都駱文忠公祠碑記 一頁

清夏提督克三巖碑頌 一頁

西安程公塘頌 一頁

成都三皇廟碑 一頁

成都黃帝廟碑 二頁

成都黃帝廟別碑 一頁

成都江瀆廟碑 一頁

武陟重修縣城碑 一頁

涪州蘭市鎮里社碑 一頁

山西兩江會館記 二頁

清故四川候補知縣趙君墓表

君諱雲祥字瑞卿安徽繁昌人也童冠顯奇耽學樂道博見強志孜孜履真進德及時與乾偕極敬讓著自州閭風聲紀乎鄉黨鄉舉副榜貢生銓選部司務改廣西候補知縣以母憂不赴服闋改四川加同知銜代理華陽灌縣署內江所臨播德士女承休當究天秩飛躍臨津以疾解官年五十有三光緒三十一年正月口口卒越五年十二月口口葬凡百吏民追思靡及乃共刊石示後俾事行有攷顯允君子令問弗忘

[illegible]

清故四川候補知縣方君墓表

君諱介臣字純甫浙江嵊縣人也厥祖方叔征伐獫狁克壯其猷翼佐宣王致周中興世承榮祉丕顯休光爲州郡著姓君性徇通竺于守學耽閱禮樂而敦詩書探冊研幾雖專必習在貧知樂執心貞固修身踐言事無宿諾州里以是服之守牧嘉賞以禮辟命三篇刑長遠直公非遂有累丁未以知縣候補四川歷署大足丹稜梓潼縣事其爲政也翦治強宗羞用高行退屏四惡進遵五美利民以智安衆以仁有阿鄭之化是以民服事其上禍亂不作災害不生年四十有九宣統元年正月口口卒以民國元年十一月口口葬遺孤忉絕長號思慕遐邇庭集莫不失聲行路感傷泣涕漣漣乃相與刊石甄表以示後禩生有令德歿弘休聲子孫繩繩億載彌新

[illegible]

清故湖北候補知縣徐君墓表

君諱德璜字仲光四川開縣人候選州同穀貽之子也膺清妙之上姿體高雅之弘量孝敬著自閨庭竺敬行乎州里學以致道略藝胥賅遂澤山甫之穆清沛臯陶之淑問弱冠從政以巡檢分發安徽入典市征出權采石君絜擬羔羊廉如孤竹敬以修己禮以使民日昃乾乾事而後食進擢縣丞署職當塗百姓安之封域以寧期年計最詔遷知縣候補湖北遂攝巴東柔順暢于事業神惠洽于民物督臣嘉之移署麻城以疾遜辭嘉遜正志盤桓家衡乃邁百罹年三十有八宣統二年八月口口寢疾絕命嗚乎痛哉先是君夫人楊氏以光緒三十年疾歿君高不娶遂絕膺嗣至是君弟德瑜以民國元年十月口口葬君先塋以配其祖考追維周書金縢之作弟有述兄之義因刊貞石叙紀休烈昭示後世來者有聞

新姑蘇北湖詩歌總輯序言

清故甘肅直隸州知州許君墓表

君諱雲衢字叔升四川廣元人也其先古太嶽之膺春秋著之以迄于今君則從九品蘊洪之孫貢生汝成之子鍾天地之美膺五百之期邃學弘達極深研機化而裁之以措于民由國子監生銓職縣丞分發甘肅敏于衆職以最羣僚擢知縣加五品銜歷保甲局釐捐局委員署狄道縣事從政果藝尤勤民災以兄喪去職既期竟服始署兩當豐二南之化修北辰之政視事三月道有頌聲以公褫職尋復故官起署碾伯邑錯番戎叛援梗化自君蒞官遵五屏四明揚峻德五禮有庸糾遏非常五刑有服國無淫朋野無比德百里垂拱風化聿興省舉大異遷直隸州知州會以店疾仍執逸循遂榮沮溺之耦耕懿夷由之高絜考槃阿澗嘉德夭年五十六宣統二年九月口口卒越二年口月口口葬于是里人口口口等口口人以爲君子惡惡疾

其始善善樂其終詩曰靡不有初鮮克有終君進退可度實有
克終之美宜揭洪休用光末胤乃刊嘉石植表幽埏歿世名稱
子孫百世

許君甘肅直隸州府人其先古太極之尊君好善之

處士田君墓表

君諱玉辰字國清奉天西豐人也天挺純至受祉穆清明德在躬臨疑不惑少孤奉母屢空簞瓢貨殖是勤同符衛賜億則屢中受命自天仍致千金不祈多積以爲損益之際大易所著遂揚凱悌之豐惠躬體仁之上德睦姻任恤調餼萬人積善乾乾贊我元化追維詩人子衿之刺拾田瞻學不率官錢惠利至今絃歌洋洋夙崇剛節疾惡義形總管□□毒痛比邑發狀流聞兆庶心懽其不畏強衙有如此者世政峻急退期沒齒州縣請召曾不降志自非公事未嘗至也典試陳公偉君高絜欲試以事用觀厥識君高子騫汶上之節深執遯九天山之筮束帛爰爰莫之能致遂脩玄默以禮盤桓丘園皤皤有穆其容子姓率其義方州黨型其禮敬宜膺繁祉保樂洽壽承致多福身其康強胡彼昊蒼弗祚上仁春秋五十眉壽无徵以民國六年五月

蘇州府志卷之八
崇嗣前代恩義之鄉
晉廷臣外散縣精人于
晉之陳世田觀舉不奉
官魏惠降至今
吳郡太守豐惠陳顯曰
之士盡朝服升廟顯萬
人辭善葬葬
中受命自天世逢千金
不而冬許以爲財益之
劉大畏洎善養
陳顯歸不怨也為奉掛
懸空策應賞釐最優同
符論顯顯與顯
得霸王列宅國南奉天
西豐人出天璽縣至受
撫野者則顯升

清故內閣中書韓君闕銘

君諱琦字璧如廣西全州人也其先出自武王之穆受封於韓因以氏焉昌熾光裔爰迄於君少竺允恭據德依仁長弘濬哲敏事慎言發憤臨川樂此朝聞雅言書禮郁郁其文入漸傅訓侍側闇闇出事公卿便便惟謹文襄左公辟參戎休君才美宜賓周行以舉人官內閣中書考取軍機處章京遂襄大錄觀政機衡夙宵在公出納允明山甫衮職賴君以匡帝臧其勤士頌其良宜膺帝祉爲龍爲光養以之福履慶無方如何國華弗遂其榮光緒九年四月仲丁年三十七罹疾奄殤嗚呼哀哉繁霜實矣鳳羽摧零邑人嘆思閱世弗忘追銘玄琰甄述景行詞曰

顯允韓君南國之紀載勗德音思皇多士高山景行令聞不已人見其進未見其止亦旣揚庭萃孚有位出納五言八音七始